


# HARMONIÆ MACROCOSMICÆ

## PARS PRIOR

*Diversas diversorum Authorum de totius Universi orbium situ, & dispositione  
sententias, ac Planetarum Theorias iconibus elegantibus oculis subjiciens, & de-  
scriptionibus accuratis illustrans.*

Operis Di-  
vitiis in  
Priori &  
posteriori  
partem.



ARMONIÆ MACRO-  
COSMICÆ opus hoc in duas  
dividimus partes, quarum Prior  
diversas diversorum Authorum  
de totius Universi Creati Or-  
bium situ & dispositione senten-  
tias iconibus elegantibus ob o-  
culos ponit, & Planetarum Theo-  
rias imaginibus concinnis repræ-  
sentat: Posterior verò particularibus delineationibus præ-  
cedentia dilucidius adumbrat, ac totam Uranometriam  
cum Cœlestium & Terrestrialium Regionum convenientia  
subjungit. Priori cum suis delineationibus jam expe-  
diemus, quæ si Lectorum Benevolorum expectationi fa-  
tisfecerit, posteriori promptâ successione subsequen-  
tiam producet.

Totius Uni-  
versus Cre-  
atus ordi-  
nem suum  
habet.

Humanæ  
Rationis im-  
perfecte co-  
gnitum.

In Præloquio pro capto nostro egimus de ortu & stru-  
cturâ totius Universi Creati, quem *Summus* omnium re-  
rum creatarum *Architectus* ex Nihilo produxit. Is habet  
suum Ordinem, suam Dispositionem, & suam partium  
omnium Digestionem, quâ à *Summo illo Creatore* disposi-  
tus, & ordinatus incredibilem illius ipsius *Architecti sui*  
Omnipotentissimi Sapientiam, & Providentiam loquitur.  
Ordinem tam admirandum, tam ineffabilem, ut omnia  
reliqua *Dei Omnipotentissimi* opera stupenda, quæ gloriam,  
& Majestatem Divinam indefinitibus laudum præconiis  
decantant, & celebrant, utpote cum in finem producta,  
Humanæ Rationis indagatio conatu indefinente perve-  
stigare molitur. Corrupta tamen & imbecillis in hac inda-  
gatione & cognitione hæcenus fluctuat, & opinionum  
divortis distrahitur, adeo ut de tanto, & tam admirando  
Ordine nullus planè sit consensus, & nonnulli hæc, alii  
aliâ serie totam Universi Machinam dispositam esse sta-  
tuant. Nemo est qui dubitare possit, aut audeat, serie  
certâ, & ordinatâ proportionem, convenientique ordine  
totius Machinæ cuncta Corpora ita inter se ordinata &  
disposita esse, ut quodvis suæ naturæ debitum locum ob-  
tineat, cursum & motum sibi proprium possideat, & ob  
certas & naturales rationes, vel altiorum & remotiorum,  
vel humiliorum, & propiorum centro sedem teneat. Sed  
quis quæso dispositionem illam accuratè cognitam, & ex-  
ploratam habet? cui naturales illæ rationes notæ sunt,  
propter quas hoc corpus aliud ascenderit, & in remo-  
tiorum sedem se contulerit, illud verò propius ad terram  
accefferit, aut se huic aut illi corpori propius adjunxerit?  
Philosophorum turba quidem hic ratiociniorum suorum  
normâ ex his ignotissimis, & obscurissimis rebus se expe-  
dire molietur: Sed quo successu, ii noverunt, qui præ-  
ter logomachias, entia rationalia, & mera somnia, ex  
talium Philosophorum cerebris profecta, nihil aliud in  
scriniis ipsorum offendere solent. Tam admirabilem  
omnium in totâ Rerum Creatarum Universitate corpo-  
rum harmoniam, concentum, & convenientiam, qui-  
bus inter se ita conveniunt, & conspirant, ut pondere,  
numero, mensurâ, locis, proprietatibus & virtutibus  
exadissimè sibi mutuo respondeant, quis nos docebit? quis  
nobis monstrabit? Quis dicit cur Luna inter Terram &  
Solem interposita tot diebus cursum suum perficiat, &  
non minore aut majore dierum numero ad cursum suum  
absolvendum egeat? Cur Planetarum nonnulli inferio-  
rem, alii superiorem locum nacti sint? Cur alter altero  
major vel minor existat? Cur uni hic, alii ille locus as-  
signatus sit? Sexcenta, imò infinita ejusmodi, cognitio-  
nem nostram fugientia, occurrunt quorum neque ego,

neque tu, neque alius causas & rationes novimus, tantum  
abest, ut eas redderemus, quamvis vel præstantissimo-  
rum Philosophorum titulis nos efferamus, aut ipsi *Ari-  
stoteli*, aut *Platoni* nos præferamus. Hinc in proclivi est  
videre, quàm angustis limitibus circumferibatur cognitio  
illa nostra, cancellis adeò arctis inclusa, ut præter mo-  
tum, cursum & proportionem, atque hæc quidem ad-  
modum dubia, & incerta, nihil planè aliud in Corpori-  
bus Mundanis investigaverit. Testatur hoc Astronomia  
ipsa, quæ syderum motus, situs & proportionem per nu-  
meros & instrumenta docet, atque hanc utilitatem parit,  
ut temporum per annos, menses, septimanas, dies, noctes  
& horas decursus observet, ac distinguat, Cosmographiæ,  
Geographiæ, Chorographiæ, navigationi, bello, agricul-  
turæ, aliisque talibus multis inserviat, ac Poëtis, Historicis  
similibusque Authoribus intelligendis multam lucem af-  
ferat. Qui usque latè quidem patere, & admodum magnus  
esse videtur, si tot commoditates, & utilitates respiciamus,  
quas Generi Humano adferre solet: quæ tamen  
exiguæ essent præ illis, quarum compotes fieri possemus,  
si ipsorum Corporum Mundanorum Natura, qualitates,  
proprietates, vires, & cæteræ affectiones, quæ cogni-  
tionem nostram latent, nobis innotuissent. Cum harum  
ergo ignorantia & defectu laboremus, præsentibus illis  
contenti sumus oportet, donec operum suorum revela-  
tione nos in majorem admirationem rapere, & ad majorem  
nominis sui celebrationem, & depreciationem ex-  
citare *Deo Opt. Max.* placuerit.

Ut autem Astronomia circa Syderum motus, & situs,  
ita & Astrologia circa eorum effectus, atque opera  
tiones, quas in Sublunaria operantur, versari atque  
monstrare dicitur, quæ ratione ex variis syderum disposi-  
tionibus, variisque aspectibus, tempestatum, ærisque  
vicissitudines, actionumque humanarum eventa, atque  
cætera in Humanis Rebus futura prospici, & prævideri  
queant. Num autem hoc revera fieri queat, & an prædi-  
ctionibus, & hariolationibus ejusmodi futura prædic-  
tione possint ab iis, qui hanc ipsam artem profitentur, plari-  
que Reipublicæ Literariæ cives negant, ac vanissimum &  
penitus inane studium esse pronunciant: Quamvis con-  
tra etiam reperiantur, qui hisce hariolationibus ex Astro-  
rum positi enascentibus patrocinantur, & eventu vero  
sapissime comprobatas esse dicunt. Sed certi quid de hac  
arte aliquem polliceri posse vix fit verisimile, cum ipsa  
principia, & fundamenta, quibus innititur, hæcenus in-  
certa, & multis dubiis involuta maneant, & ipsi Astro-  
nomi dissentientes nihil adhuc certi de Syderum motu,  
ac positi indubitato statuerint, sed centent, & adhuc sub  
Iudice lis hæreat. Ac cum ipsa Syderum natura, ipsæque  
stellarum vires, & proprietates densissimâ tenebrarum  
caligine hæcenus regantur, & cognitionem nostram fu-  
giant, non video, quâ ratione ejusmodi homines effe-  
cta ipsa, & quidem futura, perscrutari queant, cum  
ipsas causas, futurorum effectuum productrices nondum  
probe & perfectè cognitas, atque perspectas habeant.  
Divinatrices ejusmodi conjecturas *Deo* semper exosas fuisse  
ex *Sacro Textu* liquet, in quo toties, ac tot acerbis in-  
crepationibus ejusmodi vanæ prædictiones à Prophetis  
vetantur, & hominibus earundem causâ tam graves præ-  
næ denunciantur. Exitus ipsi tandem illis ipsis prædictio-  
nibus rarissimè respondent, adeo ut si semel tantum ex  
prædictionibus veritas aliqua emerferit, longè frequen-  
tius tamen, & multo pluribus vicibus ea non contigerint,  
quæ harioli illi in alicujus Thematis Cœlestis erectione  
A somnia-

Corporum  
totius Uni-  
versus cog-  
nitio nostra  
admodum  
exigua.

Astrono-  
mia.

Ejus usus.

Astrologia.

Quibusdam  
incerta aliis  
certa.

Nihil certi  
habere vi-  
deatur.